


Broj: 11-04/3-409-1/20  
Sarajevo, 19.03.2020.godine



Gđa. Džambas Zdenka  
Delegatkinja Doma naroda Parlamenta  
Federacije Bosne i Hercegovine

PARLAMENT FEDERACIJE BOSNE I HERCEGOVINE  
DOM NARODA

n/r tajnika ✓

BOSNA I HERCEGOVINA  
FEDERACIJA BOSNE I HERCEGOVINE  
GENERALNI SEKRETARIJAT  
VLADE FEDERACIJE BOSNE I HERCEGOVINE  
n/r sekretara Vlade F BiH, gđe. Edite Kalajdžić

**PREDMET: Odgovor-dostavlja se;-**  
**VEZA: Vaš akt broj: 03-04-282-7/2020 od 03.03.2020. godine**

Poštovana/i,

Postupajući u skladu sa aktom Sekretara Vlade F BiH broj i datum označeni u vezi, a koji se odnosi na dostavljanje delegatskog pitanja koje je delegatkinja Džambas Zdenka postavila na 5. sjednici Doma naroda Parlamenta Federacije BiH održanoj dana 13.02.2020. godine vezano za nacionalnu strukturu svih institucija koje kontrolira F BiH, direkcija, agencija, imena direktora te proporcionalnu zastupljenost u ovom Ministarstvu, dajemo sljedeći

### ODGOVOR

U skladu sa Uredbom o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine („Službene novine Federacije BiH“, br. 20/16, 3/17, 9/17, 69/17 i 96/17) i Listom privrednih društava u kojima Vlada Federacije vrši ovlaštenja na osnovu državnog kapitala iz nadležnosti Federacije Bosne i Hercegovine, utvrđeno je da Federalno ministarstvo poljoprivrede, vodoprivrede i šumarstva vrši ovlaštenja na osnovu državnog kapitala u privrednim društvima, i to:

1. „Fabrika duhana Mostar“ d.d. Mostar,
2. „Agrokomerc“ d.d. Velika Kladuša,
3. JP „Bosanskohercegovačke šume“ d.o.o. Sarajevo,

#### 4. JP „Šume Herceg Bosne“ d.o.o. Mostar,

Nadalje, Federalno ministarstvo poljoprivrede, vodoprivrede i šumarstva u ulozi je organa koji vrši upravni nadzor nad provođenjem Zakona o vodama („Službene novine F BiH“, broj 70/06), kao i nad radom sljedećih agencija:

1. JP za „Vodno područje slivova rijeke Save“ Sarajevo
2. JP za „Vodno područje slivova Jadranskog mora“ Mostar

Privredna društva Fabrika duhana Mostar“ d.d. Mostar i „Agrokomerc“ d.d. Velika Kladuša nisu javna preduzeća i isti posluju u skladu sa Zakonom o privrednim društvima. Njihova upravljačka struktura je sljedeća:

Agrokomerc d.d. Velika kladuša, direktor, Mersad Hamidović, direktor Društva;- Nadzorni odbor: Fadil Bihorac, predsjednik, Senad Kljajić, član, Mario Buntić, član, Salih Dedić, član, Mirsad Mujanović, član.

Dioničko društvo Fabrika duhana Mostar, direktor, nije imenovan; Nadzorni odbor: Amel Bajgorić, v.d. predsjednik NO, Adisa Omerbegović-Arapović, v.d. član NO, Ilija Musa, v.d- član NO.

Napominjemo da izvan Ministarstva postoje i dvije jedinice za projekte: Jedinica za implementaciju projekata (PIU), direktor Alojz Dunđer i Ured za koordinaciju projekata (PCU), direktor Halil Omanović.

Na Listi privrednih društava u kojima Vlada Federacije vrši ovlaštenja na osnovu državnog kapitala iz nadležnosti Federacije Bosne i Hercegovine, nalaze se: JP „Bosanskohercegovačke šume“ Sarajevo i JP „Šume Herceg Bosne“ d.o.o. Mostar. Vlada Federacije BiH i Federalno ministarstvo poljoprivrede, vodoprivrede i šumarstva ne mogu vršiti ovlaštenja propisana pomenutom Uredbom obzirom da Vlada Federacije BiH nije osnivač JP „Bosanskohercegovačke šume“ niti ima saglasnost osnivača da može vršiti ovlaštenja propisana istom Uredbom.

JP „Bosanskohercegovačke šume“ Sarajevo je osnovano od strane Republike Bosne i Hercegovine (pravni sljednik osnivača je Bosna i Hercegovina), a čije poslovanje se ne može uskladiti sa odredbama Zakonom o javnim preduzećima Federacije BiH i Zakonom o privrednim društvima Federacije BiH bez saglasnosti osnivača. Ovo Ministarstvo je u više navrata pripremalo Inicijativu za poduzimanje aktivnosti u cilju donošenja propisa na državnom nivou za rješavanje statusa pravnih lica osnovanih od strane Republike BiH, koju je Vlada Federacije BiH usvajala i dostavljala Vijeću ministara Bosne i Hercegovine. Do sada nemamo saznanja da je bilo šta poduzeto po ovom pitanju od strane Vijeća Ministara BiH.

JP „Šume Herceg Bosne“ d.o.o. Mostar već duži period ne obavlja djelatnost radi koje je osnovano, a samim tim ne ostvaruje ni prihode, ovlašteni organi društva su u aprilu 2016. godine podnijeli zahtjev za otvaranje stečajnog postupka, koji je Rješenjem Općinskog suda u Mostaru br. 58 0 St 175897 16 St od 14.02.2017. godine otvoren, te se ovo privredno društvo nalazi u stečajnom postupku.

Nadalje u JP za „Vodno područje slivova rijeke Save“ Sarajevo ukupan broj zaposlenih u Agenciji na dan 31.12.2019. godine iznosi 75. Nacionalni sastav zaposlenika: Bošnjaka 69, Hrvata 3, Srba 3. Jedna pozicija koja se raspoređuje po nacionalnom ključu je propisana članom 159. Zakona o vodama tačka 5. da predsjednik Upravnog odbora ne može biti iz istog konstitutivnog naroda kao i direktor Agencije za vode.